

DODATAK**Glosar novih autora**

GRAČANIČKI GLASNIK
časopis za kulturnu
historiju

Broj 45, godina XXIII
maj, 2018. [str. 5-8]

© Monos 2018

ADNAN HADŽIABDIĆ, profesor istorije, rođen 1984. godine u Doboju, osnovnu školu i gimnaziju završio je u Tuzli, a Filozofski fakultet u Sarajevu (grupa istorija), 2010. godine. Prvo radno iskustvo stekao je u Istorij-skom arhivu Sarajevo. Predmet njegovog interesovanja je savremena istorija Bosne i Hercegovine i arhivistika. Svoje radove objavljivao je u više stručnih publikacija i časopisa, između ostalih u Analima Gazi Husrev- begove biblioteke, Glasniku Arhiva i Arhivističkog udruženja Bosne i Hercegovine, Glasniku Udruženja arhiv-skih radnika RS Banjaluka, Arhivskoj praksi Tuzla i dr.

HADŽIJA HADŽIABDIĆ, profesor istorije - arhi- vista, rođen je 1956. godine u Olovu. Osnovnu školu i gimnaziju završio je u rodnom mjestu, a Filozofski fa- kultet – grupa storija u Sarajevu. Prvo zaposlenje do- bio je u Regionalnom muzeju Doboju, 1980. godine, kao kustos-istoričat, a kasnije i direktor - do maja 1992. godine. Potom je radio u više institucija iz oblasti kul- ture, naučno-istraživačkog rada, obrazovanja i državne uprave (Arhiv TK, Gimnazija „Meša Selimović“ Tuzla, Pedagoški zavod Tuzla, Agencija za državnu službu F BiH, Arhiv Federacije BiH direktor i arhivista). Sada je zaposlen u Arhivu Bosne i Hercegovine na mjestu zamjenika direktora. Uz redovne poslove i istraživački rad objavio je više stručnih radova iz oblasti istorije u dnevnoj i periodičnoj štampi kao i u stručnim časopi- sima i publikacijama (Značenja Doboju, Arhivska praksa Tuzla, Anali Arhiva Federacije BiH, Glasnik Arhiva i Arhivističkog udruženja BiH, Prilozi Instituta za istoriju – Sarajevo, Anali Gazi Husrev-begove biblioteke i dr.) Autor je i koautor više izložbi sa tematikom iz predrat- nog, ratnog i poratnog perioda. Recenzent je, autor i koautor više udžrnika, radnih sveski i istorijskih čitanki za osnovne i srednje škole.

SEAD HUSIĆ, student, rođen je 1986.godine u Tuzli. Srednju školu završio je u Banovićima. Diplomirao je na Filozofskom fakultetu Univerziteta u Tuzli, na Odsjeku za bosanski jezik i književnost 2010.godine, a trenutno pohađa master studija na istom fakultetu. Poeziju, prozu, eseje i radove o književnosti objavljuje u književ- nim časopisima i na web portalima. Dobitnik je treće nagrade na *Zavičajnim stazama* u Crnoj Gori 2015.

DODATAK

godine za priču *Vodeni zavičaj*. Objavio je zbirke poezije „Na tragu modrnizma“ (2015.) i „Stvari“ (2017.) te zbirku priča „Čovjek koji piše priče“ (2017.) Fondacija za izdavaštvo Sarajevo podržala je objavljivanje svih njegovih knjiga. Poezija Seada Husića prevedena je na danski, mađarski, makedonski i švedski jezik.

SMAIL MEŠIĆ, pukovnik Oružanih snaga Bosne i Hercegovine rođen je 1960. godine u s.Svjetliča, općina Doboj. Osnovnu školu je završio u s.Kostajnica, vojnu gimnaziju, a nakon toga i Vojnu akademiju KoV završio je u Beogradu 1982. godine i proizveden u čin potporučnika. Po završetku školovanja, obavljao je komandirske dužnosti u više garnizona JNA u rodu artiljerije. Pošto je želio da se stalno usavršava na profesionalnom planu, 1991 godine upućen je na školovanje u Visoku školu za vojnosociološke i psihološke studije i istraživanja u Beogradu, gdje ga zatiče početak rata i raspad SFRJ i JNA. Sa grupom oficira, porijeklom iz BiH uspijeva izaći u Republiku Makedoniju i organizovati se za povratak u BiH. Dolaskom u BiH aktivno se uključuje u AR BiH, u junu 1992. godine. Prvo je angažovan na obuci artiljeraca u 109. bbr, a nakon toga, od 17. 08. 1992. do 08. 03. 1993. godine obalja dužnost načelnika Štaba 109.bbr. Nakon toga je postavljen na dužnost komandanta 111/221.Gračaničke brigade na kojoj ostaje do 01.03.1995.godine. Formiranjem divizija u AR BiH, postavljen je na dužnost načelnika štaba 22. dKoV 01. 03. 1995 .godine na kojoj ostaje do 24. 11. 1995. godine, kada je prekomandovan u Komandu 2.k, gdje obavlja dužnosti načelnika odjeljenja za obuku i načelnika artiljerije. Reorganizacijom AR BiH u junu 1996 postavljen je na dužnost načelnika Štaba Mješovite artiljerijsko-raketne brigade u Visokom, koju obavlja do 2000 .godine, kada je postavljen za komandanta brigade. Formiranjem OS BH postavljen je na dužnos načelnika odjeljenja za personal Komande za podršku OS BiH u Banja Luci . Na toj dužnosti ostaje do 31. 12.

2009. godine kada je penzionisan na vlastiti zahtjev. Svo vrijeme službe u AR BiH, VF BiH i OS BiH radio je na ličnom profesionalnom usavršavanju po NATO standardima. Za svoj rad je više puta nagrađivan i pohvaljivan, među kojima se ističe pištolj sa posvetom komandanta AR BiH, i pištolj sa posvetom zamjenika ministra odbrane F BiH. Dobitnik je Zlatne značke Općine Gračanica.

AJDIN MUHEDINOVIĆ, student, rođen 18. 11. 1994. godine u Baden-Badenu (Njemačka). Osnovnu školu i gimnaziju završio je u Ključu, a nakon toga se upisuje na Odsjek za historiju Filozofskog fakulteta u Sarajevu. Prvi ciklus studija okončao je 2016. godine. Trenutno je student završne godine drugog ciklusa na istom Odsjeku. Područje njegovog interesovanja je moderna historija Bosne i Hercegovine. Učestvovao je u osnivanju sarajevske sekcije *International Students of History Association* (ISHA) i uzeo učešće na prvoj studentskoj konferenciji: „Svakodnevni život u Sarajevu tokom rata 1992-1995“.

HUSEIN SERHATLIĆ, upravni pravnik rođen je 1960. u Doborovcima kod Gračanice. Osnovnu školu je završio u Doborovcima, nastavljajući školovanje u Brčkom, Sarajevu i Beogradu. Isticao se kao aktivista Omladinske organizacije u Doborovcima, a biran je i za predsjednika. Bio je aktivan i u vjerskom životu i radu Islamske zajednice, a jedno vrijeme je radio i kao sekretar Odbora Islamske zajednice u Derventi. Suradio je u listu „Preporod“. Od 1990. godine se politički aktivira, kao jedan od osnivača Stranke demokratske akcije, u kojoj kasnije, duži niz godina, obavlja poslove sekretara, a biran je i u različita stranačka tijela. Aktivan je sudionik osnivanja Patriotske lige na području Tuzlanske regije i općine Gračanica, a tokom agresije na Bosnu i Hercegovinu angažovan je na različitim poslovima, vezanim za odbranu, na području općine Gračanica, drugih dijelova Bosne i Hercegovine, kao i inostranstva. Poslije rata djeluje u Udruženju

boraca Patriotske lige općine Gračanica, kao i Savezu boraca Patriotske lige Tuzlanskog kantona. Dobitnik je više priznanja, te nosilac zvanja Organizator otpora, koje mu je 10. 06. 2011. dodijelio Savez boraca Patriotske lige Bosne i Hercegovine.

ZAIM ŠESTAN, građevinski tehničar, rođen je 08. 09. 1938. godine u Donjoj Lohinji. Četverogodišnju osnovnu školu je završio u Donjoj Orahovici, a kasnije, vanredno, i "osmoljetku", u Lukavcu. Upisao je potom i završio srednju građevinsku školu u Tuzli – trogodišnji smjer (za majstora građevinca), a kasnije i dvogodišnje školovanje za građevinskog poslovođu. Radni vijek je proveo u više građevinskih firmi širom bivše Jugoslavije, a radio je i u nekim stranim zemljama poput Iraka i Kuvajta. Penziju je dočekao kao radnik Fabrike sode u Lukavcu. Dugogodišnji je vijećnik u mjesnoj zajednici Donja Lohinja (prije i poslije rata), te punih dvadeset godina član Mirovnog vijeća mjesne zajednice. Zaljubljenik je u historiju i starine, te veliki znalac prošlosti i tradicije svog rodnog mjesta, ali i njegove šire okoline.

FILIP ŠKILJAN, doktor historijskih znanosti, rođen u Zagrebu 1980. Završio Klasičnu gimnaziju 1999 u Zagrebu, te potom upisuje studij povijesti i arheologije na Filozofskom fakultetu u Zagrebu koji je završio 2003. Između 2003. i 2006. radi u Spomen-području Jasenovac, a od 2006. do 2010. vodi Arhiv Srba u Republici Hrvatskoj pri Srpskom narodnom vijeću. Magistrira 2006, a doktorira 2009. Od 2010. zaposlen je u Institutu za migracije i narodnosti. Na Hrvatskim studijima Sveučilišta u Zagrebu predaje nekoliko kolegija, vezanih za povijest dvadesetog stoljeća između 2008. i 2011. godine. U zvanje višeg znanstvenog suradnika izabran 2013. godine. Bavi se nacionalnim manjinama u Hrvatskoj i poviješću Drugog svjetskog rata. Autor je ili

suautor dvadesetak knjiga, pretežito iz oblasti kulturne historioije, od kojih ističemo sljedeće naslove: *Organizirana prisilna preseljavanja Srba u NDH*, Zagreb, 2015.; *Filip, Talijani u gradu Zagrebu*, Zagreb, 2015.; *Prvi svjetski rat u Dalmaciji*, Split – Dubrovnik, 2014.; *Rusi u Hrvatskoj*, Zagreb 2014.; *Sjećanja na Domovinski rat u Pokupskom*, Pokupsko, 2014.; *Svakodnevni život Ukrajinaca u Lipovljanima*, Lipovljani, 2013.; *Kulturno-historijski spomenici Gorskog kotara i Ogulinsko-plašćanske zavale*, Zagreb, 2012.; *Talijani u Ciglenici*, Zagreb, 2012., 5-53. (u suautorstvu s Lanom Peternel, Lucijom Šimičić i Mirnom Jernej); *Hrvatsko zagorje u Drugom svjetskom ratu opredjeljivanja, sukobi, žrtve*, Zagreb, 2012.; *Nacionalne manjine u gradu Zagrebu*, Zagreb, 2012. (suautori Dragutin Babić i Drago Župarić-Iljić); *Kulturno-historijski spomenici Moslavine i kalničko-bilogorskog prigorja*, Zagreb, 2011.; *Kulturno-historijski spomenici zapadne Slavonije*, Zagreb, 2010.; *Znameniti Srbi u Hrvatskoj*, Zagreb, 2009.; *Politički zatvorenici u logorima Jasenovac i Stara Gradiška*, Zagreb – Jasenovac, 2009.; *Filip, Kulturno-historijski spomenici Banije*, Zagreb, 2008.; *Kulturno-historijski spomenici Korduna*, Zagreb, 2007.; *Nikola Tesla: čarobnjak tehnike*, Zagreb, 2006.; *Srbi u Cetinskoj krajini*, Srpsko narodno vijeće, Vijeće srpske nacionalne manjine Splitsko-dalmatinske županije, Zagreb 2017.; *Iz povijesti Srba u Varaždinskoj županiji od doseljavanja do današnjih dana*, Grafocentar, Zagreb 2017.; *Mađari u Zagrebu*, Vijeće mađarske nacionalne manjine, Zagreb 2017.; *Iz povijesti Srba u parohiji Salnik od doseljavanja do današnjih dana*, Vijeće srpske nacionalne manjine Zagrebačke županije, Zagreb 2017. (izdavač Vijeće srpske nacionalne manjine Zagrebačke županije)